

1 Tagnaan Aka-aka Hap sabab si
Isa Almasi, Anak Awlahu Taala
hin.

2 Kuwe du tesulat dem me pinaal
nebi Isaya hin,

“Payamanun be, pepiyu ku aa ku
megpalatain dehellu amban kau,
iye manyap lan nun;

3 suwala dembuwa aa meglingan

dem lahat gay tantu pepihan aa:
Panyapun bi lan Tuhanin,
pebentelun bi me pelebeyan
nen—”

4 Tekka si Yahiya megbubunyagin
dem lahat gay tantu pepihan aa, duk
megmahalayang iye sabab pegbunyagin
we me aa hin subay megteubat para
pegempun me duse.